

濟陽縣志卷十三

新政志

黨務 行政 司法 立法 慈善

共和肇建新政繁興孟的斯鳩所謂行政司法立法三權鼎立之說已成陳迹故現在中央政府恪遵 總理建國之遺教於三權外加監察考試兩權而定爲五權制然監察考試在縣並未實行設置故黨務下仍依行政司法立法三權鼎立爲大綱志新政

黨務

吾國以黨治國已爲世界各國所公認至縣設黨部以領導一切其地位當然高出全縣各機關上故首將黨部沿革及所屬機關暨所辦之訓練班分列於左

濟陽縣志

卷十三

新政志

黨務

一

縣黨部 吾濟黨務公開最晚黨員人數亦最少民國十七年夏革命軍北伐成功後始有區指導員何道全來縣召集黨員趙芙亭宋傳賢孟慶錫等組織黨部遂酌定地址籌畫經費聯絡同志於是年七月間成立黨務指導員辦事處趙芙亭爲指導員宋傳賢孟慶錫爲幹事旋又改組爲黨務臨時登記處十八年三月改組爲特派員辦事處趙芙亭爲特派員十九年一月改爲保管員辦事處孟慶錫爲保管員是年四月晉軍南來黃河以北各縣盡爲佔領山東黨務聯合辦事處先後派徐梓琴

薛鳳繡趙芙亭崔蘭亭來縣組織黨務工作人員聯合辦事處  
是年九月晉軍退後聯合辦事處取消而保管員辦事處復又  
繼續成立仍以孟慶錫爲保管員二十年三月間改組爲黨務  
特派員辦事處先後特派爲崔立三崔選亭等是年十一月間  
改組爲直屬區分部選舉宋傳賢王壽徵崔選亭爲執行委員  
孟慶錫爲候補委員並推宋傳賢爲常務委員二十一年七月  
改組爲黨務整理委員會整理委員爲孟慶錫宋紹周劉冠章  
並推選孟慶錫爲常務委員統計本縣黨部自成立迄今有七  
次改組八次易人其間經過交替情形工作概況頗難詳述茲  
將黨務沿革列表於左以資參考焉

# 中國國民黨山東濟陽縣黨部沿革一覽表

| 名稱               | 年代        | 負責人姓名                 | 職員姓名    | 地址      | 備考                                                                                             |
|------------------|-----------|-----------------------|---------|---------|------------------------------------------------------------------------------------------------|
| 中國國民黨山東省濟陽縣黨部    | 十七年七月間成立  | 指導員 趙美亭               | 宋竹村     | 城裏中街    |                                                                                                |
| 中國國民黨山東省濟陽縣黨部    | 十七年七月間成立  | 趙美亭                   | 孟慶錫     | 山街路西    |                                                                                                |
| 中國國民黨山東省濟陽縣黨部    | 十七年十月間成立  | 趙美亭                   | 趙美亭     | 城裏西     |                                                                                                |
| 中國國民黨山東省濟陽縣黨部    | 十八年三月間成立  | 特派員 趙美亭               | 趙美亭     | 南陽城隍廟舊址 |                                                                                                |
| 中國國民黨山東省濟陽縣黨部    | 十八年三月間成立  | 特派員 趙美亭               | 趙美亭     | 同上      |                                                                                                |
| 中國國民黨山東省濟陽縣黨部    | 十九年一月成立   | 保管員 孟慶錫               | 李蘇民     | 同上      | 改組後保管員孟慶錫調省訓練時由李蘇民代理保管至四月間晉軍南來河北各縣被晉軍佔據遂由德州山東黨務聯合辦事處先後派徐梓琴薛鳳繡趙美亭崔蘭亭來縣組織黨務聯合辦事處至九月間晉軍退後而聯合辦事處取消 |
| 中國國民黨山東省濟陽縣黨部    | 二十年四月成立   | 特派員 崔立三               | 趙美亭     | 同上      | 崔立三四月二日到職六月十日到職                                                                                |
| 中國國民黨山東省濟陽縣黨部    | 二十年十月間改組  | 崔選亭                   | 崔選亭     | 同上      | 崔選亭六月十日到職十一月十二日到職                                                                              |
| 中國國民黨山東省直屬濟陽縣區分部 | 二十一年七月間改組 | 執行委員 宋竹村 候補委員 王壽徵 孟慶錫 | 趙美亭 崔指南 | 同上      |                                                                                                |
| 中國國民黨山東省濟陽縣黨部    | 二十一年七月間改組 | 整理委員 趙美亭              | 趙美亭     | 同上      |                                                                                                |
| 中國國民黨山東省濟陽縣黨部    | 二十一年七月間改組 | 整理委員 趙美亭              | 趙美亭     | 同上      |                                                                                                |

農會 本縣農會自民國三年依法組織成立徐曰棠爲會長安文瀾爲副會長會址在東關關帝廟五年三月期滿改選魯遵泮爲會長張家驤爲副會長會址移於儒學舊署七年二月魯遵泮被控去職張家驤補充會長八年九月期滿改選高錫川爲會長張少程爲副會長九年五月高錫川調充勸業所長張少程補充會長十七年七月間由縣政府招集全縣段約長開會票選高天炳爲會長艾肇霖爲副會長是年九月奉令取消農會改爲農民協會遂於十二月間由農會發起成立農民協會籌備委員會推定高天炳爲本會主任郭聯甲孟慶錫孫宣三范兆嵩趙書林趙芟亭等爲委員嗣由縣黨部改委高天炳

劉澄波姚鴻圖等爲本會籌備委員並推高天炳爲常務委員會址移於舊城隍廟至十八年二月高姚二委員因事辭職改委王景韓孫子彬爲籌備委員推劉澄波爲常務委員是年四月王景韓因事辭職遺缺委王和軒補充並推爲常務委員斯時民運日漸擴充區鄉農民協會相繼組織成立七月間縣黨部又加委馬虞廷張雙印爲籌備委員是年十月間省農民協會整理委員會鑒於本縣農運有整理之必要即將籌備委員會改組爲農民協會整理委員會委馬虞廷王和軒張雙印劉澄波王子俊五人爲整理委員公推馬虞廷爲常務委員組織區農協會五鄉農協會四十有二是年十一月間馬委員虞廷

張委員雙印以事辭職遺缺經省農協會委趙芟亭崔文炳接充公推王和軒爲常務委員爾時區農協會擴至六處鄉農協會擴至五十有六處會員達五千七百五十六人十九年五月晉軍到濟將革命團體悉數取消逮該軍北退於是年十二月間省農協會以各縣農協會均宜恢復乃令王和軒趙芟亭王子俊三人急速回縣工作本縣農運始繼續整理所有區鄉農協會又於二十年三月十六日經縣黨部指導縣政府召開全縣會員大會將農協整理委員會改組爲農會遂票選王和軒爲幹事長王子俊爲副幹事長趙芟亭孟廣衡孟慶錫爲幹事民運基礎於焉鞏固矣

商會 自民國成立政府以商業爲富強之基礎特制定商會法及商會施行細則於民國三年公布旋於四年復行修正各行政長官所在地及工商業總薈之各大商埠得設立總商會各地方行政長官所在地及工商業繁盛之區得設立商會於是各省道縣次第成立爭謀商業之發展我濟地瘠民貧商業素稱凋敝然團結之心不敢後人於是商界領袖于慶捷艾肇霖等於五年九月籌設商會事務所六年四月依法組織選得會長艾煥章副會長傅純如並會董艾肇霖等十七人卽於是月在本城南門大街王家祠堂正式成立職員多係義務經費均由會員擔負此謂濟陽縣商會之起原八年十一月初次改選

艾煥章傳純如仍當選爲正副會長照章連任並選得會董王昭墀等十六人當時會員一百三十六名十一年七月二次改選選得艾肇霖爲會長王昭墀爲副會長會董艾煥章等十六人會員一百二十四名十二年仲夏會長艾肇霖捐資勸募擇於中山街路南修築商會一所至十三年季春落成立有碑誌十五年四月三次改選正副會長艾肇霖王昭墀仍復當選照章連任並選得會董于慶捷等十九人會員一百一十名十七年四月四次改選選得會長柏永濟副會長艾肇霖會董安式九等十九人會員一百四十八人是年二月副會長艾肇霖因有他就遺缺以李廣隆補充十八年冬改爲商民協會係委員

制柏永濟孟慶錫高文斐爲常務委員十九年二月奉令仍改爲縣商會內部組織亦係委員制票選潘思儉爲主席艾肇霖賀炳午楊毓琦爲常務委員並選定高文斐王光琛李先祿爲監察委員柏永濟張佑生李開榮陳慶朝爲執行委員濟邑商業日漸繁興會務亦隨之發展矣

黨義教育訓練班 縣黨部與教育局爲普及黨義教育起見於民國十七年十月間創辦黨義教育訓練班其經費由公益捐開支主任趙芙亭副主任宋傳賢學員共二百十人兩月畢業農村自治人員訓練班 民國十七年十二月由縣黨部創辦經費由公益捐開支主任趙芙亭學員一百二十人一月畢業

利盲訓練班 縣黨部爲改良歌曲普及通俗教育起見於民國十八年一月創辦利盲訓練班經費由公益捐開支主任趙芙亭學員四十人一月畢業分赴各鄉村借唱歌曲以通民智

商民訓練班 吾濟僻處河陽交通梗阻商業向不發達而一般商民多故步自封墨守成規值此訓政伊始商務競進之際倘非授以相當訓練則識見淺陋勢必益形落伍是以商民協會常務委員柏永濟孟慶錫等有鑒於此於民國十七年三月成立商民訓練班召集學員三十餘名一月畢業其經費由縣政府補助銀洋一百元教育局補助銀洋八十元教職員由各機關人員分別擔任甘盡義務均各殫精竭慮悉心研授爲期雖暫而收效良多也

救國會 民國二十年九月十八日暴日以無理侵佔我國遼吉黑三省本縣縣黨部乃召集各機關各民衆團體開會討論經大會議決各機關法團首領爲當然委員由當然委員中公推縣黨部崔選亭縣政府路大遵商會潘思儉農會王和軒大隊部安清如公安局馬良輔縣法院向惺第一區公所柏永濟師範講習所宋傳賢爲執行委員並公推路大遵崔選亭王和軒爲常務委員於九月二十日始告成立定名爲濟陽縣反日救國會會址設於縣黨部每月經費大洋一百元經當然委員大會議決由五三商社按月撥支聘崔指南爲幹事王錫九爲助

理幹事於二十一年七月間縣黨部奉到上峯命令以外交關係各縣救國團體均將反日字樣取消故本縣反日救國會又改爲濟陽縣救國會會內常務路大遵以奉命公務員不准參加反日運動辭去常務職以執委潘思儉遞補常務崔選亭因事辭職以執委宋竹村遞補宋常務辭職後奉縣黨部命令補孟慶錫爲執委並爲常務委員會內工作以宣傳爲主要按非常之原黎民所懼故當民十七八間黨部初設一般愚氓不知底蘊動輒與之抵牾今則黨義昌明民衆亦趨就軌道黨部同志一切工作日形順利矣

## 行政

行政方面包括全縣一切設施事項稍不分晰卽遺混淆之弊茲述現狀如下

縣政府 自民國成立後內部組織較前略有變更清代祇由知縣延聘幕賓分刑名錢穀書啓帳房徵收五席下設稿案雜務執帖用印派門丁爲之隨縣知事任卸爲去留外有吏戶禮兵刑工六房科每科經承主政房書辦公又就戶科中分設庫吏雜科清末因籌備立憲另設憲政科差役分爲六班曰一二壯一二快一二皂又有捕役任緝盜等事雖屢經奉令裁併究未實行至民國元年改知縣爲民政長添設幫審一員二年改知

縣爲縣知事署內分四課曰總務曰財政曰司法曰民事改稿案爲收發房書改名錄事經承改名錄事長班役改爲司法警察名雖變更實則仍舊十七年改縣公署爲縣政府縣知事改稱縣長十八年縣組織法公布後按照第十三條之規定縣政府設祕書一人並依事務繁簡設置一科或二科每科設科長一人科員二人或四人並將司法警察改爲政務警察共招三班計警士六十餘名

按縣政府爲地方政治樞紐組織稍有不慎弊竇卽因之叢生新政之推行更難乎爲繼故將縣政府列於黨務之下居於地方各機關之首庶上有領導下可倡率黨政合

作民衆樂利吾濟前途其庶幾乎至地方四局及其他各機關分述於後

公安局 自光緒三十二年營汛裁撤改設巡警局職司城門啓閉及糾察保安事宜置巡官一員金錫鴻任之宣統元年黃默菴任之民國二年張聖柱任之四年巡警局改爲警察所巡官改稱一等警佐林勉森任之六年許廉世任之十一年王恆泰任之十三年趙維傑任之十五年萬鶴林任之十七年一月一等警佐改稱警察所長仍以萬鶴林任之是年六月又改爲公安局楊英傑任局長十月李汝清任之十八年六月侯秉符任之十九年七月李樹森任之不數日改委榮志鵬任之是年九

月賈思明任之未幾馬殿邦任之二十一年二月陳金標任之是年九月吳心平任之分局有二一在夏口鎮一在仁風鎮  
財政局 民國九年吾濟爲管理地方財政起見奉令成立地方財政管理處地址在文廟東庫西廚東西官廳內設財政管理員一人學務款產員一人名譽董事四人王昭成任管理員張家驥充款產員高餘俊艾煥章周丹墀劉登壇等充董事十年一月艾肇霖充款產員十一年一月王昭成辭職繼任之人未得其選暫由縣署兼管至是年八月由王元龍任管理員十二年學務款產員取消另在教育局內附設董事會所有教育款項概歸該會保管十四年在縣署東偏建修財政管理處房舍

十五年十二月楊秉哲任管理員十七年七月改爲財政委員  
會內設主任一人委員三人楊秉哲爲主任柏永濟蕭來鴻潘  
思儉爲委員是年九月艾肇霖爲主任十八年六月改爲財務  
局潘思儉任局長十九年一月改爲財政局賀炳午任局長內  
設監察委員會由各機關公舉柏永濟潘思儉王和軒范兆嵩  
王英麟等爲委員每月開會一次地方財政已漸入軌道矣

教育局 自前清宣統二年儒學裁撤以後就學署西院改爲勸  
學所張依泮任勸學員長民國九年艾慶桐任勸學員長二年  
改爲視學公所鄺捷三任縣視學三年一月管毓藩任縣視學  
五年三月復改爲勸學所張依烈任所長六年二月孫宣三任

之八年四月元澍田任之是年十一月黃麟閣任之十一年十  
一月王如璋任之未曾接事旋即去職是年十二月張復修任  
之十二年改爲教育局張復修任局長另設縣視學一職陳濟  
充任之並設董事會董事四人公推會計一人保管教育基金  
暨一切學款十四年六月何德政任局長十七年十月宋傳賢  
任局長縣視學改爲縣督學楊炳章充任之十九年二月何德  
政任局長艾肇元充縣督學設教育委員四人文牘庶務各一  
人全縣共分八學區其經費由全縣教育經費項下開支關於  
全縣教育狀況及所屬各學校各機關已備載教育志茲不贅  
述

建設局 民國九年五月奉令設立勸業所高錫川任所長十四年改爲實業局高錫川任局長十六年侯萬祥任之十七年改爲建設局侯萬祥任局長十九年二月呂殿儒任之是年六月周文炳代理局長十月王光斗任局長十九年十二月楊受霖任之二十一年三月李廷襄任之局址在維新街路南

長途電話事務所 民國十七年八月間楊縣長以勦緝匪類綏靖地方必須消息靈通方克措置裕如經提交政務會議議決架設長途電話凡境內駐防地點無處不通並可與惠民民團區部直接達話一處偶爾有警全縣立刻皆知誠於勦滅匪患裨益不少其初總機設於縣政府繼移於財政局十九年改歸濟陽縣志

卷十三

新政志

行政

十三

建設局管理二十一年三月奉令組織事務所內設主任一人練習生二人巡線夫二人

路政局 查修補道路便利交通關係地方產業之發達工商之振興至爲重要本縣於民國十三年六月奉令成立路政局局址附設文廟縣長兼局長由地方紳董及各機關職員公推高餘俊苗秀山周丹墀劉登壇馬朝文尹煥章魏雲霄王元煦艾煥章等爲議董潘思儉席曰瀛爲工務員王元龍爲事務員高錫川張少程爲勸導員十五年十一月奉令改編王元龍爲局長潘思儉爲副局長馬景賢陳濟爲助理員是年十二月王元龍因事去職潘思儉升充局長十七年七月潘思儉調充財政

委員會委員張子珍充局長是年十一月張子珍呈奉縣政府指令取消所有該局一切文卷器具等件移交建設局接收是年十二月奉令組織縣道局設局長一人由縣長兼任主任一人由建設局長侯萬祥兼任十八年八月歸併建設局此後關於道路工作統由建設局負責辦理矣

農事試驗場 民國五年創設場址在西城門外高慶華任場長迄今十有六年每月開支僅有公費十元該場長熱心公益淡泊自甘場內農事雖無若何試驗而森林繁茂蔚然可觀亦該場長成績也

合作社指導所 民國十九年十一月指導員趙長貴奉山東省

濟陽縣志

卷十三

新政志

行政

三

農礦廳令來縣倡導合作事業並調查各處經濟狀況及風俗人情以備籌辦合作社二十年三月間召集各機關開消費合作籌備會五月間召集入社社員開成立會公推徐鎮西爲本社經理股款三百元縣政府發給開辦費一百五十元是年七月奉山東省實業廳命令成立合作社指導所添設助理員一人二十一年七月間因股款三百元不足周轉呈准由建設臨時費補助二百元是年九月成立農民貸款所由十九年度至二十一年度建設特捐內劃撥二千元作爲貸款基金以扶助農民經濟之發展提倡合作事業之進行云

度量衡檢定所 我國權度舊制向不統一民國二年工商部舉

行全國工商會議有度量衡法完全採用萬國公制之議決案  
惜未見諸實行四年農商部頒佈權度法以前清末年工部所  
定之營造尺庫平制爲甲制而以萬國權度公制爲乙制兩制  
同時並用亦僅於極短時期試行於北平及山西兩處十七年  
國民政府公佈全國權度標準方案始採用萬國公制爲標準  
制而以一二三制爲市用制十八年四月公佈度量衡法爲施  
行細則是年十一月公佈全國度量衡劃一程序並規定山東  
及全國中部等二十一省應於二十年終以前完成劃一十九  
年一月中央設立全國度量衡局山東及內部各省相繼於省  
垣地方設立省度量衡檢定所二十年十月奉令於各縣設立

度量衡檢定分所由山東實業廳委任曾經訓練合格之郭興  
邦爲本縣度量衡檢定分所主任張鴻恩爲檢定員本縣度量  
衡檢定分所遂於二十一年五月間依法組織成立全年經費  
八百元由地方公款項下按月開支當以款項奇絀暫借居於  
商會

民團大隊部 民國七年一月土匪蠡起民不聊生由縣府呈准  
成立警備隊鄧濟材任總隊長招募兵士一百五十名八年六  
月陳象坤任總隊長十年四月奉令改編警隊爲兩大隊石毓  
美充第一大隊隊長陳桂芬充第二大隊隊長十一年六月因  
經費困難照三等縣規定改爲一大隊石毓美仍充大隊長十

五年大隊長改稱副總隊長董玉駿充之十六年六月劉宗鑫充之十七年奉令將全縣警備隊一律改爲警察歸警察所帶領萬鶴林任所長是年六月以警察二分之一改隸公安局以二分之一及保安隊改爲警備營楊光普任營長共分五連手槍一連騎兵一連步兵三連七月楊縣長兼代營長九月王振家任營長十一月改爲人民自衛團第十大隊部齊永昌任大隊長因股匪張鳴九盤踞章邱奉令率隊勦擊奮勇陣亡十八年一月張學禮任之是年七月朱彥俊任之十月改編爲警察隊總隊部繆縣長兼任總隊長設三分隊共計全部官佐目兵夫二百二十四員名十九年五月榮志鵬任大隊長是年七月

許名撫某任大隊長是年十月改編爲魯北民團第十大隊部此後縣長雖兼大隊長名義其實係大隊副負完全責任維時楊紹先任大隊副二十年一月李慶春任之是年三月因人民擔負過重奉令縮編官佐目兵夫共一百員名七月張天朗任之旋因縱兵殃民槍傷會丁由各機關呈准撤懲是年九月安清如任之十月因原有兵士不敷分配呈奉省憲批准增添一中隊內分步兵騎兵手槍隊及自行車子隊共計二百餘名大隊部在縣政府大禮堂後西院

按安大隊副清如字穆軒河北熊縣人當其到差伊始尙知束身自愛迨後則貪污卑鄙無所不爲誤良縱匪公然

論價兩月之間詐取民財至二三萬元之多經被害人聯名赴省府告發於二十二年二月間在濟南槍決

聯莊總會 民國十七年十月因土匪四起到處搶架祇恃軍警分防則實力單薄不敷分配呈准成立聯莊總會縣長兼正會長范兆嵩充副會長十八年二月奉令改爲人民自衛預備團范兆嵩充正團總周洪佐充副團總每丁銀二百兩僱團丁一名常川駐隊按縣屬八區每區編一大隊區長兼隊總十九年奉令改爲保衛團縣長兼總團長范兆嵩充副團長每區爲一區團區長兼任區團長一區招募團丁五十名常駐區團其餉項由各區自行籌備十九年十月爲增進人民自衛能力補助

軍警維持治安起見奉令組織聯莊會當時民團改組依照聯莊會章程改爲聯莊會縣長兼總會會長范兆嵩充副總會會長每區爲一分會以區長爲分會長每莊或鎮爲一甲以莊鎮長爲甲長每丁銀一百三十兩選送會員一名在分會訓練三月更換一次其會員伙食及辦公費仍由各該地方籌給二十一年七月將甲之名稱取消改爲聯莊支會以鄉鎮長爲支會會長凡居民年滿二十歲以上四十歲以下確無廢疾者均爲會員遇有匪警則守望相助共謀防禦誠能照章認真辦理努力進行匪患定堪肅清矣

清鄉局 民國二十年六月爲肅清匪源厲行訓政起見奉令成

立清鄉局附設於縣政府內由路縣長兼任局長馬殿邦潘思儉兼任副局長實行武裝清鄉將本縣全境劃分四段范兆嵩李慶春胡獻廷劉鳳翔等四員爲段長每段酌派兵士二十名至四十名由各該段長統率並委李兆範高天炳楊秉哲艾慶藩王英麟柏永濟傅萬全王先芳等爲分段長是年十一月奉令組織清鄉辦事處設主任一人由路縣長兼任副主任二人一由公安局長馬殿邦兼任一由路縣長保舉地方公正士紳潘思儉兼任挨莊挨戶認真清查並着村正副取具連帶負責甘結鄰閭有連坐之法宵小無存身之地根株既絕民衆安寧乃意中事耳

區公所 原有八區之辦公領袖始稱鄉董繼稱區董並無辦公處所民國十五年借中山圖書館內設立八區辦公處各區區董輪流駐處以備遇有要公便於招集二十年一月間吾濟在省受訓之區長畢業回縣籌備自治成立區公所重新劃分鄉區冠以次第名稱地方自治之基礎於焉鞏固矣

第一區區公所在縣政府西偏領三十九鄉鎮區長柏永濟第二區區公所在迴河鎮領二十二鄉鎮區長胡獻廷第三區區公所在孫耿鎮領三十五鄉鎮區長艾慶藩第四區區公所在夏口鎮領二十七鄉鎮區長李兆範第五區區公所在垛石橋領三十一鄉鎮區長傅萬全第六區區公所在曲堤鎮領二十